



# *Kattusseqatigiit Partiiat*

11.december 2008  
Anthon Frederiksen

Inatsisartut suleriaasianni § 36 imm. 1 naapertorlugu apeqquiteqaat imaattoq Naalakkersuisunut ingerlateqqippara:

## **Naalakkersuisunut apeqqutit:**

1. Royal Greenland-ip amigartooruteqarnera pillugu Naalakkersuisut qanoq iliuuseqarniarpat ?
2. Piniartut Qaanaap kommunianeersut pisortanit ikiorserneqarsinnaanerit pillugu Naalakkersuisut qanoq iliuuseqarniarpat ?

(Inatsisartunut ilaasortaq Anthon Frederiksen, Kattusseqatigiit Partiiat)

## **Tunnqavilersuut:**

Apeqqummut siullermut tunnqatillugu ullumikkut tusagassiuutitigut nalunaarutigineqarpoq Royal Greenland 78 mio. Kr-inik amigartooruteqartoq. Nalunngilarput Namminersorerullutik Oqartussat suliffeqarfutaasa sinneqartooruteqarlutik ingerlatsinissaat piunasaqaataasoq.

Taamaattumik RG nunanut allanut milliard-it marluk missaanik akiitsoqareersup amigartooruteqarnera, minnerunngitsumillu akiitsut saniatigut aalisariutinut arlalinnut RG-ip qularnaveequseereersimasutut tusaamasatta amigartooruteqarluni ingerlanera, minnerunngitsumillu RG-ip tunitsiviit ilaanni matooraanissaminik tusagassiuutitigut nalunaaruteqarnera inuiaqatigiinni inuussutissarsiutit pingaarnersaata ajutoorsinnaanerani kinguneqarsinnaanera Kattusseqatigiit Partiianniit assorujussuaq ernumanartutut takorloorparput.

Taamaammatt RG-ip inuiaqatigiinni aningaasaqarnikkut annertunerusumik ajutooruteqarfiumnginnissaa anguniarlugu, aningaasaqarnikkut aaqiissutissanik aammalu ingerlatsinermi oqilisaataasinnaasunik naalakkersuinikkut iliuuseqartoqarnissaa anguniarlugu suliffeqarfissuup siulersuisuisa nutaamik ataatsimeersuartinneqarnissaat aammalu pigisat nalillit nalilersuiffigineqarnissaat eqqarsaatigeqqinneqarnissaa eqqartorneqartariaqartoq isumaqarpungut.

Apeqqummut 2-mut tunngatillugu Qaanaap kommuniani piniartut maannakkut assorujussuaq ilungersunartorsiorput, tassa assersuutigalugu Siorapalummi piniartut maannamut silaannaap allangornerujussuata kingunerisaanik qaammatini marlunni, taarsuup sikunianninneratalu malitsigisaanik aningaasarsiorsinnaanerak akornuserneqarpoq.

Taamaammallu piffissami qanittumi piniartut arlaatigut ikiorserneqanngikkunik sutigut tamatigut aamma akiligassat tungaasigut ajutoorluinnarnissaat assut ernumanarpoq.

Taamaattumik piniartut taamatut inissisimalersimasut immikkut ittumik ikiorserneqarnissaat assut pisariaqartinneqartoq piniartut saaffiginnissuteqarnerat tunngavigalugu paasivarput.

Aamma paasivarput piniartut Siorapalummiut KNAPK-mut novembar-imili ikiorneqarnissartik pillugu saaffiginnissuteqarsimangaluartut, kisianni KNAPK-p qanoq iliuuseqarsinnaannginnini piniartunut qanittukku nalunaarutigisimangaa aamma ilisimatitsissutigineqarpoq.